



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

22.06.2020թ.

**Ո Ր Ո Շ ՈՒ Մ
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁԻ
թիվ ՍՑ-ԼՕ-2020/133**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի
Քարտուղարությամբ՝ Ռ. Մկրտչյանի

Պատվիրատու՝ Երևանի քաղաքապետարան
Մասնակից՝ «Էտալոն Գրուպ» ՓԲԸ

Գնման ընթացակարգի ծածկագիրը և առարկան՝

1. «ԵՔ-ԲՄԾՁԲ-20/29» ծածկագրով գնանշման հարցման ընթացակարգ, Երևան քաղաքի փողոցներում դիտահորերի վերանորոգման աշխատանքների որակի տեխնիկական հսկողության ծառայությունների ձեռքբերում:
2. «ԵՔ-ԲՄԾՁԲ-20/48» ծածկագրով բաց մրցույթ, Երևան քաղաքի Արաբկիր վարչական շրջանի բազմաբնակարան շենքերի թեք տանիքների հիմնանորոգման աշխատանքների որակի տեխնիկական հսկողության ծառայությունների ձեռքբերում:
3. «ԵՔ-ԲՄԾՁԲ-20/49» ծածկագրով բաց մրցույթ, Երևան քաղաքի Էրեբունի վարչական շրջանի բազմաբնակարան շենքերի թեք տանիքների հիմնանորոգման աշխատանքների որակի տեխնիկական հսկողության ծառայությունների ձեռքբերում:
4. «ԵՔ-ԲՄԾՁԲ-20/51» ծածկագրով բաց մրցույթ, Երևան քաղաքի մանկապարտեզների հիմնանորոգման աշխատանքների որակի տեխնիկական հսկողության ծառայությունների ձեռքբերում:

5. «ԵՔ-ԳՀԱՇՁԲ-20/55» ծածկագրով գնանշման հարցման ընթացակարգ, կենդաբանական այգու ցանկապատի կառուցման նախագծանախահաշվային փաստաթղթերի կազմման աշխատանքների ձեռքբերում:

6. «ԵՔ-ԳՀԾՁԲ-20/129» ծածկագրով գնանշման հարցման ընթացակարգ, Երևան քաղաքի «Հաղթանակ» զբոսայգու հարավային հատվածի և իրեն կից տարածքներում (Սարալանջ) անտառապաշտպանիչ գոտու ստեղծման աշխ. որակի տեխնիկական հսկողության ծառայությունների ձեռքբերում:

ՀՀ գնումների հետ կապված բողոքներ քննող անձը (այսուհետ՝ նաև Բողոքներ քննող անձ)՝ ուսումնասիրելով Հայաստանի Հանրապետության ֆինանսների նախարարության կողմից 23.05.2020թ.-ի թիվ 26/26-1/7669-2020 և 26/26-1/7672-2020 գրություններով «Էտալոն Գրուպ» ՓԲԸ-ին (այսուհետ նաև՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը,

Պ Ա Ր Զ Ե Ց

1. Գործի նախապատմությունը

ՀՀ ֆինանսների նախարարությունը, Երևանի քաղաքապետարանի (այսուհետ նաև՝ Պատվիրատու) 14.05.2020թ. թիվ 01/61-7795 և 20.05.2020թ. թիվ 01/61-8194 նույնաբովանդակ գրությունների հիման վրա, 23.05.2020թ.-ին «Էտալոն Գրուպ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

Բողոքներ քննող անձին գործը մակագրվել է 23.05.2020թ.-ին:

25.05.2020թ.-ին կայացված որոշմամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ, տրվել թիվ ՍՑ-ԼՕ-2020/133 համարի ծածկագիրը և հրապարակվել է www.gnumner.am կայքում:

04.06.2020թ.-ին և 22.06.2020թ.-ին նշանակվել և հրավիրվել են նիստեր:

Գործի քննությունն ավարտվել է 04.06.2020թ.-ին և Բողոքներ քննող անձի որոշման հրապարակման օր է նշանակվել 22.06.2020թ.-ին:

2. Երևանի քաղաքապետարանի ներկայացրած փաստերը և դիրքորոշումը.

Երևանի քաղաքապետարանը 14.05.2020թ.-ի թիվ 01/61-7795 և 20.05.2020թ.-ի թիվ 01/61-8194 նույնաբովանդակ գրություններով դիմելով ՀՀ ֆինանսների նախարարությանը և հայտնել, որ գնումների մասին ՀՀ օրենսդրությամբ սահմանված կարգով Երևանի քաղաքապետարանի կողմից հայտարարվել են «ԵՔ-ԲՄԾՁԲ-20/29», «ԵՔ-ԲՄԾՁԲ-20/48», «ԵՔ-ԲՄԾՁԲ-20/49», «ԵՔ-ԲՄԾՁԲ-20/51», «ԵՔ-ԳՀԱՇՁԲ-20/55» և «ԵՔ-ԳՀՇՁԲ-20/129» ծածկագրերով գնման ընթացակարգեր:

Ընթացակարգերին մասնակցության հայտ է ներկայացրել «Էտաաոն Գրուպ» ՓԲԸ-ն (այսուհետ նաև՝ Մասնակից): Ընթացակարգերի գնահատող հանձնաժողովների որոշմամբ վերոնշյալ ընթացակարգերի ընտրված մասնակից է ճանաչվել «Էտալոն Գրուպ» ՓԲԸ-ն:

Օրենքով սահմանված կարգով Մասնակցին ներկայացվել են պայմանագրեր կնքելու առաջարկներ: Մասնակցի կողմից սահմանված ժամկետում չեն ներկայացվել համապատասխան պայմանագրերը, որակավորման և պայմանագրերի ապահովումները:

«Գնումների մասին» օրենքի (այսուհետ՝ Օրենք) 36-րդ հոդվածի 3-րդ մասի համաձայն՝ Մասնակիցը զրկվել է պայմանագիր կնքելու իրավունքից:

Վերոգրյալ իրավական հիմքերով պայմանավորված և ղեկավարվելով Օրենքի 6-րդ հոդվածի 1-ին մասի 6-րդ կետի «բ» ենթակետով՝ առաջարկել է Մասնակցի նկատմամբ կիրառել Օրենքի 50-րդ հոդվածի 7-րդ մասի 2-րդ կետով սահմանված դրույթը:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, Պատվիրատուն կից ներկայացրել է «ԵՔ-ԲՄԾՁԲ-20/29», «ԵՔ-ԲՄԾՁԲ-20/48», «ԵՔ-ԲՄԾՁԲ-20/49», «ԵՔ-ԲՄԾՁԲ-20/51», «ԵՔ-ԳՀԱՇՁԲ-20/55» և «ԵՔ-ԳՀՇՁԲ-20/129» ծածկագրերով հայտարարված գնման ընթացակարգի շրջանակներում «Էտալոն Գրուպ» ՓԲԸ-ի տվյալները՝ համապատասխան հիմքերով:

3. «Էտալոն Գրուպ» ՓԲԸ-ի ներկայացրած փաստարկները և դիրքորոշումը.

Բողոքներ քննող անձը 25.05.2020թ.-ին գրությամբ դիմել է «Էտալոն Գրուպ» ՓԲԸ-ին՝ հնարավորություն տալով ՀՀ ֆինանսների նախարարության կողմից 23.05.2020թ.-ի թիվ 26/26-1/7669-2020 և 26/26-1/7672-2020 գրություններով նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը ստանալով կարծիք հայտնելու վերաբերյալ գրությունը, ինչպես նաև ծանուցված լինելով նիստերի տեղի, օրվա և ժամի մասին, չի ներկայացրել գրավոր դիրքորոշում, առարկություններ կամ կարծիք՝ չներկայանալով նաև հրավիրված նիստին:

4. **US-LO-2020/133 ընթացակարգի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

i. Երևանի քաղաքապետարանի (այսուհետ նաև՝ Պատվիրատու) կողմից Երևան քաղաքի փողոցներում դիտահորերի վերանորոգման աշխատանքների որակի տեխնիկական հսկողության ծառայությունների ձեռքբերման նպատակով 18.02.2020թ.-ին, Երևան քաղաքի Արաբկիր վարչական շրջանի բազմաբնակարան շենքերի թեք տանիքների հիմնանորոգման աշխատանքների որակի տեխնիկական հսկողության ծառայությունների ձեռքբերման նպատակով 02.03.2020թ.-ին, Երևան քաղաքի Էրեբունի վարչական շրջանի բազմաբնակարան շենքերի թեք տանիքների հիմնանորոգման աշխատանքների որակի տեխնիկական հսկողության ծառայությունների ձեռքբերման նպատակով 02.03.2020թ.-ին, Երևան քաղաքի մանկապարտեզների հիմնանորոգման աշխատանքների որակի տեխնիկական հսկողության ծառայությունների ձեռքբերման նպատակով 09.03.2020թ.-ին, կենդաբանական այգու ցանկապատի կառուցման նախագծանախահաշվային փաստաթղթերի կազմման աշխատանքների ձեռքբերման նպատակով 13.04.2020թ.-ին և Երևան քաղաքի «Հաղթանակ» զբոսայգու հարավային հատվածի և իրեն կից տարածքներում (Սարալանջ) անտառապաշտպանիչ գոտու ստեղծման աշխատանքների որակի տեխնիկական հսկողության ծառայությունների ձեռքբերման նպատակով 02.04.2020թ.-ին հայտարարվել են համապատասխանաբար թիվ «ԵՔ-ԲՄԾՁԲ-20/29», «ԵՔ-ԲՄԾՁԲ-20/48», «ԵՔ-ԲՄԾՁԲ-20/49», «ԵՔ-ԲՄԾՁԲ-20/51», «ԵՔ-ԳՀԱՇՁԲ-20/55» և «ԵՔ-ԳՀՇՁԲ-20/129» ծածկագրերով գնման ընթացակարգեր (այսուհետ նաև՝ Ընթացակարգ):

ii. Ընթացակարգին մասնակցելու նպատակով հայտ է ներկայացրել նաև «Էտալոն Գրուպ» ՓԲԸ-ն:

iii. «Էտալոն Գրուպ» ՓԲԸ-ն մասնակցության հայտի թիվ 1 հավելվածով՝ բաց մրցույթին մասնակցելու դիմում-հայտարարությամբ, հայտարարել և հավաստել է, որ բավարարում է թիվ «ԵՔ-ԲՄԾՁԲ-20/29», «ԵՔ-ԲՄԾՁԲ-20/48», «ԵՔ-ԲՄԾՁԲ-20/49», «ԵՔ-ԲՄԾՁԲ-20/51», «ԵՔ-ԳՀԱՇՁԲ-20/55» և «ԵՔ-ԳՀԾՁԲ-20/129» ծածկագրերով գնման ընթացակարգերի հրավերներով սահմանված մասնակցության իրավունքի պահանջներին և պարտավորվում է ընտրված մասնակից ճանաչվելու դեպքում, հրավերով սահմանված կարգով և ժամկետում, ներկայացնել գնային առաջարկի չափով որակավորման ապահովում:

iv. թիվ «ԵՔ-ԲՄԾՁԲ-20/29» ծածկագրով բաց մրցույթի գնահատող հանձնաժողովի (այսուհետ նաև՝ Հանձնաժողով) 15.04.2020թ.-ի նիստի թիվ 5 արձանագրության համաձայն՝ գնահատող հանձնաժողովի որոշմամբ «ԵՔ-ԲՄԾՁԲ-20/29» ծածկագրով ընթացակարգի ընտրված մասնակից է ճանաչվել «Էտալոն Գրուպ» ՓԲԸ-ն, որպես բավարար գնահատված առաջարկ ներկայացրած մասնակից:

v. Պատվիրատուն 28.04.2020թ.-ին Մասնակցին ներկայացնելով «ԵՔ-ԲՄԾՁԲ-20/29» ծածկագրով պայմանագրի նախագիծը՝ հայտնել է, որ անհրաժեշտ է սույն ծանուցումը ստանալուց հետո օրենքով սահմանված ժամկետում պատվիրատուին ուղղված գրությամբ Երևանի քաղաքապետարան ներկայացնել Մասնակցի կողմից կնքված պայմանագիրը, որակավորման ապահովում՝ բանկային երաշխիքի կամ կանխիկ փողի ձևով և պայմանագրի կատարման ապահովում, նշված ժամկետում չներկայացնելու դեպքում ընկերությունը կզրկվի պայմանագրի ստորագրելու իրավունքից:

vi. թիվ «ԵՔ-ԲՄԾՁԲ-20/29» ծածկագրով բաց մրցույթի գնահատող հանձնաժողովի 14.05.2020թ.-ի նիստի թիվ 6 արձանագրության համաձայն՝ 28.04.2020թ.-ին Մասնակցին ներկայացվել էր պայմանագրի կնքելու առաջարկ: Վերջինս պարտավոր էր պայմանագրի կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում (մինչև 13.05.2020թ.-ը) պատվիրատուին ներկայացնել հաստատված պայմանագիրը, որակավորման և պայմանագրի ապահովումները, որը Մասնակցի կողմից չի տրամադրվել: Ելնելով վերոգրյալից՝ գնահատող հանձնաժողովը որոշել է «Էտալոն Գրուպ» ՓԲԸ-ին զրկել պայմանագրի կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

vii. թիվ «ԵԲ-ԲՄԾՁԲ-20/48» ծածկագրով բաց մրցույթի գնահատող հանձնաժողովի 13.04.2020թ.-ի նիստի թիվ 2 արձանագրության համաձայն՝ գնահատող հանձնաժողովի որոշմամբ «ԵԲ-ԲՄԾՁԲ-20/48» ծածկագրով ընթացակարգի ընտրված մասնակից է ճանաչվել «Էտալոն Գրուպ» ՓԲԸ-ն, որպես բավարար գնահատված առաջարկ ներկայացրած մասնակից:

viii. Պատվիրատուն 27.04.2020թ.-ին Մասնակցին ներկայացնելով «ԵԲ-ԲՄԾՁԲ-20/48» ծածկագրով պայմանագրի նախագիծը՝ հայտնել է, որ անհրաժեշտ է սույն ծանուցումը ստանալուց հետո օրենքով սահմանված ժամկետում պատվիրատուին ուղղված գրությամբ Երևանի քաղաքապետարան ներկայացնել Մասնակցի կողմից կնքված պայմանագիրը, որակավորման ապահովում՝ բանկային երաշխիքի կամ կանխիկ փողի ձևով և պայմանագրի կատարման ապահովում, նշված ժամկետում չներկայացնելու դեպքում ընկերությունը կզրկվի պայմանագրի ստորագրելու իրավունքից:

ix. թիվ «ԵԲ-ԲՄԾՁԲ-20/48» ծածկագրով բաց մրցույթի գնահատող հանձնաժողովի 13.05.2020թ.-ի նիստի թիվ 3 արձանագրության համաձայն՝ 27.04.2020թ.-ին Մասնակցին ներկայացվել էր պայմանագիր կնքելու առաջարկ: Վերջինս պարտավոր էր պայմանագիր կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում (մինչև 12.05.2020թ.-ը) պատվիրատուին ներկայացնել հաստատված պայմանագիրը, որակավորման և պայմանագրի ապահովումները, որը Մասնակցի կողմից չի տրամադրվել: Ելնելով վերոգրյալից՝ գնահատող հանձնաժողովը որոշել է «Էտալոն Գրուպ» ՓԲԸ-ին զրկել պայմանագրի կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

x. թիվ «ԵԲ-ԲՄԾՁԲ-20/49» ծածկագրով բաց մրցույթի գնահատող հանձնաժողովի 13.04.2020թ.-ի նիստի թիվ 2 արձանագրության համաձայն՝ գնահատող հանձնաժողովի որոշմամբ «ԵԲ-ԲՄԾՁԲ-20/49» ծածկագրով ընթացակարգի ընտրված մասնակից է ճանաչվել «Էտալոն Գրուպ» ՓԲԸ-ն, որպես բավարար գնահատված առաջարկ ներկայացրած մասնակից:

xi. Պատվիրատուն 27.04.2020թ.-ին Մասնակցին ներկայացնելով «ԵԲ-ԲՄԾՁԲ-20/49» ծածկագրով պայմանագրի նախագիծը՝ հայտնել է, որ անհրաժեշտ է սույն ծանուցումը ստանալուց հետո օրենքով սահմանված ժամկետում պատվիրատուին ուղղված գրությամբ Երևանի քաղաքապետարան ներկայացնել Մասնակցի կողմից կնքված պայմանագիրը, որակավորման ապահովում՝ բանկային երաշխիքի կամ կանխիկ փողի ձևով և

պայմանագրի կատարման ապահովում, նշված ժամկետում չներկայացնելու դեպքում ընկերությունը կզրկվի պայմանագրի ստորագրելու իրավունքից:

xii. թիվ «ԵԲ-ԲՄԾՁԲ-20/49» ծածկագրով բաց մրցույթի գնահատող հանձնաժողովի 13.05.2020թ.-ի նիստի թիվ 3 արձանագրության համաձայն՝ 27.04.2020թ.-ին Մասնակցին ներկայացվել էր պայմանագրի կնքելու առաջարկ: Վերջինս պարտավոր էր պայմանագրի կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում (մինչև 12.05.2020թ.-ը) պատվիրատուին ներկայացնել հաստատված պայմանագիրը, որակավորման և պայմանագրի ապահովումները, որը Մասնակցի կողմից չի տրամադրվել: Ելնելով վերոգրյալից՝ գնահատող հանձնաժողովը որոշել է «Էտալոն Գրուպ» ՓԲԸ-ին զրկել պայմանագրի կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

xiii. թիվ «ԵԲ-ԲՄԾՁԲ-20/51» ծածկագրով բաց մրցույթի գնահատող հանձնաժողովի 23.04.2020թ.-ի նիստի թիվ 3 արձանագրության համաձայն՝ գնահատող հանձնաժողովի որոշմամբ «ԵԲ-ԲՄԾՁԲ-20/51» ծածկագրով ընթացակարգի ընտրված մասնակից է ճանաչվել «Էտալոն Գրուպ» ՓԲԸ-ն, որպես բավարար գնահատված առաջարկ ներկայացրած մասնակից:

xiv. Պատվիրատուն 28.04.2020թ.-ին Մասնակցին ներկայացնելով «ԵԲ-ԲՄԾՁԲ-20/51» ծածկագրով պայմանագրի նախագիծը՝ հայտնել է, որ անհրաժեշտ է սույն ծանուցումը ստանալուց հետո օրենքով սահմանված ժամկետում պատվիրատուին ուղղված գրությամբ Երևանի քաղաքապետարան ներկայացնել Մասնակցի կողմից կնքված պայմանագիրը, որակավորման ապահովում՝ բանկային երաշխիքի կամ կանխիկ փողի ձևով և պայմանագրի կատարման ապահովում, նշված ժամկետում չներկայացնելու դեպքում ընկերությունը կզրկվի պայմանագրի ստորագրելու իրավունքից:

xv. թիվ «ԵԲ-ԲՄԾՁԲ-20/51» ծածկագրով բաց մրցույթի գնահատող հանձնաժողովի 14.05.2020թ.-ի նիստի թիվ 4 արձանագրության համաձայն՝ 28.04.2020թ.-ին Մասնակցին ներկայացվել էր պայմանագրի կնքելու առաջարկ: Վերջինս պարտավոր էր պայմանագրի կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում (մինչև 13.05.2020թ.-ը) պատվիրատուին ներկայացնել հաստատված պայմանագիրը, որակավորման և պայմանագրի ապահովումները, որը Մասնակցի կողմից չի տրամադրվել: Ելնելով վերոգրյալից՝ գնահատող հանձնաժողովը

որոշել է «Էտալոն Գրուպ» ՓԲԸ-ին զրկել պայմանագիր կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

xvi. թիվ «ԵԲ-ԳՀԱՇՁԲ-20/55» ծածկագրով գնման ընթացակարգի գնահատող հանձնաժողովի 21.04.2020թ.-ի նիստի թիվ 2 արձանագրության համաձայն՝ գնահատող հանձնաժողովի որոշմամբ «ԵԲ-ԳՀԱՇՁԲ-20/55» ծածկագրով ընթացակարգի ընտրված մասնակից է ճանաչվել «Էտալոն Գրուպ» ՓԲԸ-ն, որպես բավարար գնահատված առաջարկ ներկայացրած մասնակից:

xvii. Պատվիրատուն 29.04.2020թ.-ին Մասնակցին ներկայացնելով «ԵԲ-ԳՀԱՇՁԲ-20/55» ծածկագրով պայմանագրի նախագիծը՝ հայտնել է, որ անհրաժեշտ է սույն ծանուցումը ստանալուց հետո օրենքով սահմանված ժամկետում պատվիրատուին ուղղված գրությամբ Երևանի քաղաքապետարան ներկայացնել Մասնակցի կողմից կնքված պայմանագիրը, որակավորման ապահովում՝ բանկային երաշխիքի կամ կանխիկ փողի ձևով և պայմանագրի կատարման ապահովում, նշված ժամկետում չներկայացնելու դեպքում ընկերությունը կզրկվի պայմանագրի ստորագրելու իրավունքից:

xviii. թիվ «ԵԲ-ԳՀԱՇՁԲ-20/55» ծածկագրով գնման ընթացակարգի գնահատող հանձնաժողովի 15.05.2020թ.-ի նիստի թիվ 3 արձանագրության համաձայն՝ Մասնակցի կողմից սահմանված ժամկետում պատվիրատուին չի ներկայացվել հաստատված պայմանագիրը, որակավորման և պայմանագրի ապահովումները՝ պայմանագրի կնքելու մասին ծանուցումը և պայմանագրի նախագիծն ստանալուց հետո տասնաշխատանքային օրվա ընթացքում: Ելնելով վերոգրյալից՝ գնահատող հանձնաժողովը որոշել է «Էտալոն Գրուպ» ՓԲԸ-ին զրկել պայմանագրի կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

xix. թիվ «ԵԲ-ԳՀԾՁԲ-20/129» ծածկագրով գնման ընթացակարգի գնահատող հանձնաժողովի 15.04.2020թ.-ի նիստի թիվ 3 արձանագրության համաձայն՝ գնահատող հանձնաժողովի որոշմամբ «ԵԲ-ԳՀԾՁԲ-20/129» ծածկագրով ընթացակարգի ընտրված մասնակից է ճանաչվել «Էտալոն Գրուպ» ՓԲԸ-ն, որպես բավարար գնահատված առաջարկ ներկայացրած մասնակից:

xx. Պատվիրատուն 22.04.2020թ.-ին Մասնակցին ներկայացնելով «ԵԲ-ԳՀԾՁԲ-20/129» ծածկագրով պայմանագրի նախագիծը՝ հայտնել է, որ անհրաժեշտ է սույն ծանուցումը ստանալուց հետո օրենքով սահմանված ժամկետում պատվիրատուին ուղղված գրությամբ Երևանի քաղաքապետարան ներկայացնել Մասնակցի կողմից կնքված պայմանագիրը,

որակավորման ապահովում՝ բանկային երաշխիքի կամ կանխիկ փողի ձևով և պայմանագրի կատարման ապահովում, նշված ժամկետում չներկայացնելու դեպքում ընկերությունը կզրկվի պայմանագրի ստորագրելու իրավունքից:

xxi. թիվ «ԵԲ-ԳՀԾՁԲ-20/129» ծածկագրով գնման ընթացակարգի գնահատող հանձնաժողովի 11.05.2020թ.-ի նիստի թիվ 4 արձանագրության համաձայն՝ 22.04.2020թ.-ին Մասնակցին ներկայացվել էր պայմանագրի կնքելու առաջարկ: Վերջինս պարտավոր էր պայմանագրի կնքելու մասին ծանուցումը և պայմանագրի նախագիծն ստանալուց հետո տասն աշխատանքային օրվա ընթացքում (մինչև 08.05.2020թ.-ը) պատվիրատուին ներկայացնել հաստատված պայմանագիրը, որակավորման և պայմանագրի ապահովումները, որը Մասնակցի կողմից չի տրամադրվել: Ելնելով վերոգրյալից՝ գնահատող հանձնաժողովը որոշել է «Էտալոն Գրուպ» ՓԲԸ-ին զրկել պայմանագրի կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

5. Բողոքներ քննող անձի հիմնավորումները և եզրահանգումը.

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 23.05.2020թ.-ի թիվ 26/26-1/7669-2020 և 26/26-1/7672-2020 գրություններով «Էտալոն Գրուպ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է բավարարման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի 6-րդ կետի «ա» և «բ» ենթակետերի համաձայն՝ ... մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, և որպես ընտրված մասնակից հրաժարվել է պայմանագրի կնքելուց:

Նույն հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 35-րդ հոդվածի 1-ին մասի համաձայն՝ պայմանագրի ապահովում ներկայացնելու պահանջի հիման վրա այն ստանալու օրվանից 10 աշխատանքային օրվա ընթացքում ընտրված մասնակիցը պարտավոր է ներկայացնել պայմանագրի ապահովում: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի ապահովում:

Օրենքի 36-րդ հոդվածի 3-րդ մասի համաձայն՝ եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին ներկայացնում պայմանագրի ապահովումը, ապա նա զրկվում է պայմանագիրն ստորագրելու իրավունքից:

ՀՀ կառավարության 04.05.2017թ.-ի թիվ 526-Ն որոշմամբ (10.10.2019թ.-ի թիվ 1422-Ն փոփոխություններով) հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 12-րդ և 13-րդ ենթակետերի համաձայն՝ ընտրված մասնակցին պայմանագիր կնքելու առաջարկը և կնքվելիք պայմանագրի նախագիծը հանձնաժողովի քարտուղարը տրամադրում է էլեկտրոնային եղանակով: Ապրանքների գնման դեպքում պայմանագրի նախագծում ներառվում է ընտրված մասնակցի կողմից հայտով ներկայացված ապրանքի ամբողջական նկարագիրը: Ընտրված մասնակցի կողմից հաստատված պայմանագրի նախագիծը պատվիրատուին ներկայացվում է գրավոր, և դա ներկայացնելու գրությունը հաշվառվում է պատվիրատուի փաստաթղթաշրջանառության համակարգում: Պատվիրատուի ղեկավարի կողմից պայմանագրի նախագիծը հաստատվում է այդ իրավասության առաջացմանը հաջորդող երկու աշխատանքային օրվա ընթացքում:

Նույն կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին

հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Կարգի 45-րդ կետի համաձայն՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Կարգի 50-րդ կետի համաձայն՝ ընտրված մասնակցի հետ պայմանագիրը կնքվում է օրենքի 10-րդ և 36-րդ հոդվածներով նախատեսված կարգով, եթե ներկայացվել է նաև որակավորման ապահովումը հիմնավորող փաստաթուղթը: Ընդ որում, ապրանքների գնման դեպքում ապրանքի ամբողջական նկարագիրը պայմանագրում ներառվում է՝ համաձայն ընտրված մասնակցի կողմից ներկայացված և գնահատող հանձնաժողովի կողմից բավարար գնահատված առաջարկի:

Վերոնշյալ հոդվածների համակարգված վերլուծության արդյունքում, Բողոքներ քննող անձը փաստում է, որ ընտրված մասնակիցը, հանձնաժողովի քարտուղարի կողմից էլեկտրոնային եղանակով ստանալով պայմանագիր կնքելու մասին ծանուցումը և պայմանագրի նախագիծը, պարտավոր է 10 աշխատանքային օրվա ընթացքում պատվիրատուին ներկայացնել իր կողմից հաստատված պայմանագրի նախագիծն, որակավորման և պայմանագրի կատարման ապահովումը:

Ընդ որում, եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո՝ 10 աշխատանքային օրվա ընթացքում, չի ստորագրում պայմանագիրը և պատվիրատուին չի ներկայացնում ներկայացված գնային առաջարկի չափով որակավորման ապահովում, ապա այդ հանգամանքը համարվում է որպես գնման գործընթացի շրջանակում ստանձնած պարտավորության խախտում, ինչպես նաև չներկայացնելով պայմանագրի ապահովում, վերջինս զրկվում է պայմանագիրը ստորագրելու իրավունքից:

Նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» և «բ» ենթակետերի դրույթների կիրառման անխուսափելիությունը, քանի որ Մասնակիցն իր գործողություններով կամ անգործությամբ, խախտելով գնման գործընթացի շրջանակում ստանձնած պարտավորությունը, հանգեցնում է Պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը, ինչպես նաև վերջինիս գործողությունները (անգործությունը) գնահատվում են, որպես պայմանագիր կնքելուց ընտրված մասնակցի կողմից հրաժարում:

Վերը շարադրվածից ելնելով՝ մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ երկու տարի ժամկետով, քանի որ խախտել է գնման գործընթացի շրջանակում ստանձնած պարտավորությունը՝ հրավերով սահմանված կարգով և ժամկետում չներկայացնելով որակավորման ապահովում, որն էլ հանգեցրել է գնման գործընթացին տվյալ մասնակցի հետագա մասնակցության դադարեցմանը, ինչպես նաև պատվիրատուին չներկայացնելով պայմանագրի օրինակը և/կամ ապահովումը զրկվել է պայմանագիր կնքելու իրավունքից:

Սույն գործի փաստերի հիման վրա Բողոքներ քննող անձն արձանագրում է, որ «Էտալոն Գրուպ» ՓԲԸ-ն մասնակցության հայտի թիվ 1 հավելվածով՝ բաց մրցույթին մասնակցելու դիմում-հայտարարությամբ, հայտարարել և հավաստել է, որ բավարարում է թիվ «ԵԲ-ԲՄԾՁԲ-20/29», «ԵԲ-ԲՄԾՁԲ-20/48», «ԵԲ-ԲՄԾՁԲ-20/49», «ԵԲ-ԲՄԾՁԲ-20/51», «ԵԲ-ԳՀԱՇՁԲ-20/55» և «ԵԲ-ԳՀԾՁԲ-20/129» ծածկագրերով գնման ընթացակարգերի հրավերներով սահմանված մասնակցության իրավունքի պահանջներին և պարտավորվում է ընտրված մասնակցի ճանաչվելու դեպքում, հրավերով սահմանված կարգով և ժամկետում, ներկայացնել գնային առաջարկի չափով որակավորման ապահովում:

Երևանի քաղաքապետարանի կողմից Երևան քաղաքի փողոցներում դիտահորերի վերանորոգման աշխատանքների որակի տեխնիկական հսկողության ծառայությունների ձեռքբերման նպատակով 18.02.2020թ.-ին, Երևան քաղաքի Արաբկիր վարչական շրջանի բազմաբնակարան շենքերի թեք տանիքների հիմնանորոգման աշխատանքների որակի տեխնիկական հսկողության ծառայությունների ձեռքբերման նպատակով 02.03.2020թ.-ին, Երևան քաղաքի Էրեբունի վարչական շրջանի բազմաբնակարան շենքերի թեք տանիքների հիմնանորոգման աշխատանքների որակի տեխնիկական հսկողության ծառայությունների ձեռքբերման նպատակով 02.03.2020թ.-ին, Երևան քաղաքի մանկապարտեզների հիմնանորոգման աշխատանքների որակի տեխնիկական հսկողության ծառայությունների

ձեռքբերման նպատակով 09.03.2020թ.-ին, կենդարանական այգու ցանկապատի կառուցման նախագծանախահաշվային փաստաթղթերի կազմման աշխատանքների ձեռքբերման նպատակով 13.04.2020թ.-ին և Երևան քաղաքի «Հաղթանակ» զբոսայգու հարավային հատվածի և իրեն կից տարածքներում (Սարալանջ) անտառապաշտպանիչ գոտու ստեղծման աշխատանքների որակի տեխնիկական հսկողության ծառայությունների ձեռքբերման նպատակով 02.04.2020թ.-ին հայտարարված համապատասխանաբար թիվ «ԵՔ-ԲՄԾՁԲ-20/29», «ԵՔ-ԲՄԾՁԲ-20/48», «ԵՔ-ԲՄԾՁԲ-20/49», «ԵՔ-ԲՄԾՁԲ-20/51», «ԵՔ-ԳՀԱՇՁԲ-20/55» և «ԵՔ-ԳՀԾՁԲ-20/129» ծածկագրերով գնման Ընթացակարգին մասնակցելու նպատակով հայտ ներկայացրած «Էտալոն Գրուպ» ՓԲԸ-ն Հանձնաժողովի որոշմամբ ճանաչվել է ընտրված մասնակից, որպես բավարար գնահատված առաջարկ ներկայացրած մասնակից:

Մասնակիցը, սակայն, պայմանագիր կնքելու մասին ծանուցումը և պայմանագրի նախագիծն ստանալուց հետո տաս աշխատանքային օրվա ընթացքում Պատվիրատուին չի ներկայացնել թիվ «ԵՔ-ԲՄԾՁԲ-20/29», «ԵՔ-ԲՄԾՁԲ-20/48», «ԵՔ-ԲՄԾՁԲ-20/49», «ԵՔ-ԲՄԾՁԲ-20/51», «ԵՔ-ԳՀԱՇՁԲ-20/55» և «ԵՔ-ԳՀԾՁԲ-20/129» ծածկագրերով գնման ընթացակարգերի շրջանակներում պայմանագրերի նախագծի հաստատված տարբերակը, որակավորման և պայմանագրի ապահովումները:

Ելնելով վերոգրյալից՝ գնահատող հանձնաժողովը որոշել է «Էտալոն Գրուպ» ՓԲԸ-ին գրկել պայմանագիր կնքելու իրավունքից՝ հիմք ընդունելով «Գնումների մասին» ՀՀ օրենքի 36-րդ հոդվածի 3-րդ մասի դրույթները:

Օրենքի 6-րդ հոդվածի 1-ին մասի 6-րդ ենթակետի համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա գրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Նշված իրավանորմերի վերլուծության հիման վրա, Բողոքներ քննող անձը եզրահանգում է, որ Օրենսդիրը մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար նախատեսել է սպառիչ պայմաններ, որոնք են պայմանագրով նախատեսված կամ գնման գործընթացի շրջանակում ստանձնած պարտավորությունների խախտումը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որպես ընտրված մասնակց պայմանագիր կնքելուց հրաժարվելը և հայտերը բացելուց հետո գնման գործընթացին հետագա մասնակցությունից հրաժարվել: Այսինքն՝ միայն սույն դեպքերում է հնարավոր մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Վերը շարադրվածից ելնելով՝ մասնակիցը պետք է ընդգրկվի գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում Բողոքներ քննող անձը հանգում է այն եզրակացության, որ «Էտալոն Գրուպ» ՓԲԸ-ն, որպես ընտրված /հաղթող/ մասնակից, հրավերով սահմանված կարգով և ժամկետներում չներկայացնելով պայմանագիրը, որակավորման և պայմանագրի կատարման ապահովումները, խախտել է գնման գործընթացի շրջանակում ստանձնած պարտավորություն, ինչպես նաև հրաժարվել է պայմանագիր կնքելուց:

Ուստի, հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» և «բ» ենթակետերի դրույթները, Մասնակցին պետք է ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը.

Ո Ր Ո Շ Ե Ց

1. ՀՀ ֆինանսների նախարարության կողմից 23.05.2020թ.-ի թիվ 26/26-1/7669-2020 և 26/26-1/7672-2020 գրություններով «Էտալոն Գրուպ» ՓԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված թիվ ՍՑ-ԼՕ-2020/133 ծածկագրով ընթացակարգը բավարարել:

2. «Էտալոն Գրուպ» ՓԲԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ 2 (երկու) տարի ժամկետով:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

ՀՀ ԳՆՈՒՄՆԵՐԻ ՀԵՏ ԿԱՊՎԱԾ

ԲՈՂՈՔՆԵՐ ՔՆՆՈՂ ԱՆՁ՝

ԼԵՎՈՆ ՕՀԱՆՅԱՆ

